

Inatsisartut suleriaasiat § 37 immikkoortoq 1 naapertorlugu matumuuna Naalackersuisunut apeqqutit imaattut saqqummiuppakka:

**Naalackersuisunut apeqqutit:**

1. Ilumoorpa utoqqalinermi pensionisiallit aalisakkanik tunisaqartillugit tunisat nalingisa bankimiit nusoqqillugit ilanngaatigineqartarnerat?
2. Taamaattoqarsimappat ilumut pissusissamisut Inatsisit naapertorlugit ingerlasoqarpa?
3. Utoqqalinermi pensionisiallit pensionisiaminnik qaammammut ingerlaannaq ilanngaanneqaratik saniatigut soorlu sulinerikkut aningaasat qanoq annertutigisut isertissinnaavaat?
4. Nunaqarfinni illoqarfinniluunniit mikinerusuni nittartakkatigut periarfissaluttuni qanoq ililluni aallaaniarsinnaanermut allagartaq pisariinnerusumik pissarsiariniarlugu qinnuteqartoqarsinnaava?  
(Inatsisartunut ilaasortaq Laura Táunâjik, Siumut)

**Tungavilersuut:**

Utoqqarnik utoqqalinersiallilluunniit aalisakkanik tunisinerikkut nalaanneqartarsimavoq aalisakkanik tunisereernerme akip nalinga bankimit nusunneqartalersimalluni. Tamanna isertitaqarniaraluarnermut tunisaqarnissamut pimassuseerutitsisalersimavoq. Isumaqarpungalu taamak pisoqartarnera pissusissamisuunngilluinnaqqissaartoq. Taamaattumik sakkortuumik Naalackersuisut kaammattorusunnarput taakkunarnerpiaq tunngatillugu aaqqeeqqullugit.

Inuit utoqqaligaluarlutik sulerusuttut iluatigaagut, tamannalu allanngutsaaliorlugu ineriartortin-neqassappalluunniit Naalackersuisut piomassuseqartariaqarput utoqqarnut tunngatillugu isertitaqarnikkut kajungilersitsinissamik piomassuseqalersitsinissamik sunniissallutik.

Aallaaniarsinnaanermut allagartat malunnartumik nunaqarfini illoqarfinnilu nittartakkatigut periarfissaluttuni sullinneqarniarneq kipiluttunartoq paasinarpoq. Nuna tamakkerlugu assigiimmik sullikkusukkaluaraanniluunniit teknikkikkut attaveqaatitigullu periarfissatigut assigiingissuseq peqqutaalluni atugassarititaasut imminnut nikingangaatsiarput. Taamaattumik isumaqarpunga naleqqussaaneq eqaannerusoq taakkunungalugu pisariinnerusoq atorlugu periuusissioortoqartaria-qartoq.

Sulerusussuseq tunniusserusunnerlu imminut naleqassusermik pilersitsisarpoq. Inuillu utoqqaligaluarlutik sulerusuttut tassaapput maligassiuisut nuannaartunartut. Taamaattumik muminganik pisoqassanngippat utoqqaat kajumissusillit amerliartuinnartittariaqarpavut. Nunatsinnimi aningaasaqarnikkut aamma taakku kivitseqataasinnaammata.

Apeqquteqaatimma ullut suliffiusut qulit iluanni akineqareersimanissaat kissaatigaara.